

**Bosna i Hercegovina
Federacija Bosne i Hercegovine
Zeničko-dobojski kanton**

OPĆINA KAKANJ
*Služba za privredu, urbanizam
i zaštitu okoline*



**Bosnia and Herzegovina
Federation of Bosnia and Herzegovina
Zenica-Doboj Canton**

MUNICIPALITY OF KAKANJ
*Department of Economy, Urban Land-Use
Planning and Environment*

BiH SUTRA – PODRŠKA TRANZICIJI REGIONA BOGATIH UGLJEM U BiH

OBRADIVAČ: Služba za privredu, urbanizam i zaštitu okoline

PREDLAGAČ: Općinski načelnik

RAZMATRA I USVAJA: Općinsko vijeće

Kakanj: juli 2025. godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
OPĆINSKO VIJEĆE

PRIJEDLOG

Broj: 01/1—____/25

Datum: __.07.2025. godine

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine F BiH“, broj 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08) te člana 92. poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na __ sjednici održanoj __.07.2025. godine, donijelo je

ODLUKU

**o izražavanju interesa Općine Kakanj za učešće u projektu
„BiH SuTra – Podrška tranziciji regiona bogatih ugljem u BiH“**

I

Ovom Odlukom izražava se interes i spremnost Općine Kakanj za učešće u projektu „BiH SuTra – Podrška tranziciji regiona bogatih ugljem u BiH“, a koji provodi Štokholmski institut za okoliš (SEI) u saradnji sa Ministarstvom za vanjsku trgovinu Bosne i Hercegovine, uz finansijsku podršku Švedske agencije za međunarodni razvoj (SIDA).

II

Ovlašćuje se Općinski načelnik za potpisivanje svih akata i poduzimanje svih potrebnih aktivnosti u vezi učešća Općine Kakanj u realizaciji projekta „BiH SuTra – Podrška tranziciji regiona bogatih ugljem u BiH“.

III

Ova Odluka stupa na snagu danom donošenja a objavit će se u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić

OBRAZLOŽENJE

U 2023. godini predstavnici Ministarstva za vanjsku trgovinu Bosne i Hercegovine i Štokholmskog instituta za okoliš (SEI) su posjetili Općinu Kakanj i održali sastanak sa predstavnicima općine. Na navedenom sastanku prezentovan je projekat „BiH Sutra – podrška tranziciji regiona bogatih ugljem u BiH" koji provodi Štokholmski institut za okoliš a uz finansijsku podršku Švedske agencije za međunarodni razvoj (Sida).

Glavni cilj projekta je doprinos održivoj tranziciji Bosne i Herecegovine što će se postići kroz izradu i primjenu efektivnih mjera i regulativa za lokalnu zajednicu, doprinoseći boljim uslovima života građana u općinama iz rudarskih regija.

Međutim, zbog nedostataka u poslanoj dokumentaciji Općina Kakanj tada nije odabrana u ovaj projekat.

U međuvremenu 25.06.2025. godine Općinski načelnik je održao sastanak sa predstavnicima Štokholmskog instituta za okoliš koji su Općinu Kakanj ponovo pozvali da budemo dio ovog projekta.

Da bi Općina Kakanj bila prihvaćena kao punopravni učesnik za realizaciju projekta potrebno je obezbijediti određene informacije i dokumente. Jedan od tih dokumenata je Odluka Općinskog vijeća o interesu za učešće u projektu BiH Sutra.

Nakon prijema potrebnih podataka SEI u suradnji sa Ministarstvom vanjske trgovine i ekonomskih odnosa BiH će izvršiti evaluaciju dostavljene dokumentacije, a najkasnije do sredine augusta 2025 godine biti će donesena odluka o izboru tri JLS koje će učestvovati kao projektni partneri.

OBRAĐIVAČ:

Služba za privredu, urbanizam i
zaštitu okoline

PREDLAGAČ:

Općinski načelnik

Mirnes Bajtarević

Sarajevo, 25.06.2025

Općina Kakanj
Ulica branilaca br. 1,
72240 Kakanj, Bosna i Hercegovina
Tel: 032 771 800
Faks: 032 771 804
E-mail: urednaceelnika@kakanj.com.ba
n/r: g. Mirnes Bajtarević

Predmet: Molba za dostavljanja pisma namjere i raspoložive dokumentacije za projekat BiH SuTra - Podrška tranziciji regiona bogatih ugljem u BiH

Poštovani g . Bajtareviću,

ovim putem želimo da Vam se zahvalimo na odvojenom vremenu za sastanak održan 25.06.2025. godine u prostorijama Općine Kakanj. Zahvaljujemo Vam na gostoprimstvu i interesu za **projekat BiH SuTra - Podrška tranziciji regiona bogatih ugljem u BiH**. Projekat sprovodi Štokholmski institut za okoliš (SEI) uz finansijsku podršku Švedske agencije za međunarodni razvoj i saradnju (Sida).

U skladu sa informacijama koje smo Vam iznijeli, ovim putem Vas želimo upoznati i pismenim putem sa sljedećim koracima prilikom izbora jedinica lokalne samouprave (JLS) i neophodnim informacijama i koracima koje bi trebala poduzeti Općina Kakanj.

Sljedeći koraci:

1. Molimo Vas da najkasnije do **05.08.2025. godine**, dostavite dokumentaciju na e-mail adresu info@bihsutra.ba , kako bi bila uzeta u razmatranje u procesu odabira JLS partnera.
- i. Odluke na nivou Načelnika Općine i Općinskog Vijeća o interesu (Pismo namjere) za ulazak u projekat kao partner na realizaciji projekta (u trajanju od septembra 2025. do septembra 2028. godine);
- ii. Spisak raspoloživih razvojnih strategija, dokumentacije, podataka i informacija (npr. strategija razvoja, SECAP, strateški dokumenti i akcioni planovi o okolišu, ublažavanje klimatskih promjena, prilagođavanje klimatskim promjenama, statistički podaci o građanima i društvenim potrebama, privrednim subjektima, podaci o stanju društveno ranjivim grupama na području jedinice lokalne samouprave, i slično);
- iii. Informacije o trenutnom stanju posvećenosti JLS-a zaštiti okoliša, dekarbonizaciji, klimatskim promjenama, upravljanju otpadom, vodosnabdijevanju, cirkularnoj ekonomiji ili sličnim inicijativama;
- iv. Spremnost i motivacija službenika JLS/Općine da doprinesu i provedu pravedne tranzicione akcije/mjere unutar JLS za vrijeme trajanja projekta (imenovanje kontakt osobe za provođenje projekta).

2. Nakon prijema svih podataka, SEI u saradnji sa Ministarstvom vanjske trgovine i ekonomskih odnosa BiH izvršit će evaluaciju dokumentacije, a najkasnije do **sredine augusta 2025.** godine bit će donesena odluka o izboru tri JLS koje će učestvovati kao projektni partneri.
3. Planirane naredne faze uključuju:
 - Septembar 2025. – potpisivanje Memoranduma o razumijevanju između izabranih JLS i SEI-a;
 - Septembar 2025. – početak implementacije projektnih aktivnosti.

Projekat je strukturiran kroz tri radna paketa:

Radni paket 2.1 Definisanje procesa za održivu tranziciju

- ✓ Aktivnost 2.1.1. Procjena trenutnog stanja u odabranoj općini
- ✓ Aktivnost 2.1.2. Priprema vizije
- ✓ Aktivnost 2.1.3. Razvoj prijedloga procesa za tranziciju i planova (usvajanje plana tranzicije)

Radni paket 2.2. Omogućavanje tranzicijskih procesa

- ✓ Aktivnost 2.2.1 Tehnička podrška za razvoj i usvajanje kratkoročnih prioriteta tranzicije
- ✓ Aktivnost 2.2.2. Tehnička podrška za razvoj projektnih prijedloga/podrška za pripremu projekata
- ✓ Aktivnost 2.2.3. Koordinacija i zajedničko djelovanje sa različitim interesnim stranama iz javnog sektora (kantoni, entiteti, nivo BiH)

Radni paket 2.3. Podrška učenju i razmjeni znanja

- ✓ Aktivnost 2.3.1. Podrška učenju i razmjeni znanja

Detaljnije informacije o projektnim aktivnostima dostavljamo u prilogu predmetnog dopisa. Obaveze JLS u projektu bi bile:

- alokacija ljudskih resursa za zajednički rad na razvoju Tranzicijskog plana,
- usvajanje Tranzicijskog plana na Općinskom Vijeću,
- zajednički rad na realizaciji mjera iz Tranzicijskog plana.

Kao što smo prethodno naveli, program će se realizovati u bliskoj saradnji sa Ministarstvom vanjske trgovine i ekonomskih odnosa Bosne i Hercegovine - Sektor za energetiku, uz koordinaciju sa entitetskim ministarstvima energetike –Federalnim ministarstvom energije, rudarstva i industrije i Ministarstvom energetike i rudarstva Republike Srpske. Glavni cilj projekta je doprinos održivoj tranziciji Bosne i Hercegovine, što će se postići kroz izradu i primjenu efektivnih mjera i regulativa za lokalnu tranziciju, doprinoseći boljim uslovima života građana u općinama/opštinama/gradovima iz rudarskih regija u Bosni i Hercegovini.



Za dodatne informacije o projektu BiH SuTra i mogućnostima saradnje, molimo da kontaktirate Emu Midžić (lokalni partner) na ema.midzic@bihsutra.ba ili na broj +38762779436

S poštovanjem,

A handwritten signature in black ink, which appears to read "Saša Souljic".

Saša Souljic, Voditeljica projekta, tim za politiku zaštite okoliša i strategiju – Odjel za krajolike, društva i institucije